

黔牘偶存

四

黔陽縣志

卷一

黔牘偶存之五

貴州武舉鄉試錄紀目

序

策

第一問

第二問

論

帝王之道出於萬全



異附公本

總覽在八

黔牘偶存之五

貴州武舉鄉試錄序

今歲辛酉

新天子赫濯

龍飛而郡國文武士適際風雲之會從疏僑躡公章

儼然待

新天子任使此自

神宗踐祚以酉戌開五十年太平訖今貞元載啟諸

文武士遭逢非五十年所希觀乎是歲夏五

始以學使者入黔乞靈

侍御史公趣了文場案其冬月

侍御公載將金瓶五十年幸購平吳海軍五

新天子命集將家子及州里控弦士都較之學使者

降天復受事以自

恩例廣額獲慶歛成應賜言綴末簡竊惟文武之用

計果以治亂騎重而橐縣韃戢時韜鈴家為文墨議

降天論所聊蕭不免負戟而拊心逮蘭騎霜麾應會

騰騫真堪教彼毛錐張吾旗鼓者指曾幾多屈

乎斯豈韓白果不世出抑或徂平而嬉世既習

而翫武業武者亦復有奇安施夫弛之頓之以

大奕葉之恬愉而迫需之一旦且孤注之一舉微
大獨人事難卒辦即天道亦理無常泰將無有受
其必趨之勢者與噫此所當於數十年前塵處
堂之憂而今已不然又可為今日之他邊塞恨
徙薪之晚而黔事則從不其然蓋天下之多事
至今日而極而黔中之多事非適今日矣虞德
之隆也尚首塵一舞干而霽翠祿肇折攝於我
高皇之威德爾時猶有臺羅諸種致膏虔國之刃嗣
後二百餘年來何歲不弄潢池何地可弛斥埃
與縱逢休明之餘祐僅托菲薄於末暉耳故中

原或以處堂輟警爾黔正寢處炎突耳他邊塞
或年來始徵梓慎之占曾是燔燹之無寧日也
而巡羣屏攝行炊伍列尚復自愛其頭額乎語
稱治用文亂用武自有黔而賸有大亂耳庸幾
大治乎黔之不得與中原競安富也以此自有
亂黔而家桑弧戶蓬矢銅柱鋒稜目媚手利中
原之不得與賈勁骨而角雄風也宜亦以此爾
黔人士夙訓齊於

大中丞李公前

大中丞張公而

侍御史公式徵武於黔則黔人士蚤人人而肄武
也夫且騎歷駭焱夫且矢陵驚風夫且如轡如
軒不高不埤鳴鏑命中一發沒簇此一之日二
之日所為奮竦鏗鏘即皮相之可得也逮夫釋
兇整理柔翰商千古得失之林挾當場肯綮之
會慮亡不金弦玉版撥其秘而鍼鋒木孔曙其
機也一二佐弓旌者既相與相質披文而進之
侍御公
侍御公文以玉堂鉅眼直鑒其神理究厥底致而
以升諸

司馬為

新天子備驅馳誰謂此羸者黔也材不任取而實不堪落乎正惟此羸者黔也其習氣與紈絺遠也其耳目與金鼓貫也其筋骨神爽與銅鼓甲巖之怪巖叢箐生俱蕩薄而眠食俱摩厲也此雖海內文弱嬉娛唾薄絳灌時爾黔原未嘗以說禮敦詩糞却走馬矧在今日他邊塞所為愕眙索之者爾黔不囊中探之乎玄無虞爾之不嫻武也正虞爾為武用斯不善用武而爾所為用武於中原者視爾有生來所習嘗之黔技小大

正不同局耳就爾今日先資不以射乎爾長年
之教爾射也不曰箭在手視在的若視箭即不
中乎又不曰無頤引無傾背無動容作色乎夫
視的之法具在懸虱之篇矣乃至頤背容色斂
寂而成何有即紀消之養不純於此矣夫射固
藝餘哉即憊然對壘時亦百步之外之一用耳
而精求之遂與性命通爾尚輕言武輕以黔所
習武為河東獻乎頃三之曰以十三篇策爾爾
所條對有未及者兩言曰將軍之心靜以幽正
以治又曰以治待亂以靜待譁此治心者也夫

文若武之為用也。蘄乎治則已矣。治武也而極之乎治心。綦精矣。而均御之以一靜。夫靜則性命之理也。令必不可揭之韜鈴家。則古名將有事。李舞陽以好學特聞者。誰用儒術。取將士雍容雅歌。投壺者。誰稱引內省不疚。遣盛毀之李邑者。誰至馬如羊。不入廐。金如粟。不入懷。遂為將家腐語。而與使為儒將。與不得已而以貪詐使爾。其何居焉。即粗之以行間論乎。如皇甫規之辨擊賊也。曰所擊疲師。非歸衆也。以整擊亂。非窮寇也。引繩切事。如錐畫沙。不本靜心得此。

超著乎爾黔士自生長來動於兵矣從來之苗
仲陡發之藺苗所為摩厲爾者至矣其以苦骨
勁姿乘時會而逞中原也唯今日其有進乎道
者而以靜心以正氣一喚

新朝之景運也亦唯今日噫此亦學使者之腐辭也
試思成周之習射也必於澤宮而獻馘又何以
在泮宮則學使者之得綴腐辭於武闈也所從
來矣

貴州等處提刑按察司提督學政僉事劉錫玄
謹序

策陳公亮書也亦吐其詞以意盡其書不夫然
問兵者不得已而用之者也古之善用兵者果皆
得已與不得已與韜鈴家言是不一指總其大
要不用衆即用寡不為主即為客非持正即出
奇耳諸士所童而習者不首十三篇乎十三篇
亦有竅緊可陳與按六指以鏡十三篇按十三
篇以鏡古名將亦可約畧而言之與往者策士
多以射覆主司之所按不必多士之所習也主
司以主司之指按爾仍以爾之所習謾也甚無
謂今第任爾之所習而以拈古以規今但於實

用有裨亦何必如經生家以博騁以華驚乎即
任舉一二誰用衆誰用寡誰善為主誰善為客
誰持正誰出奇果其信而有徵纒而不寃又或
縱橫變化并不泥斯六指也亦何遽不足呈其
華且博而顯儒將之一斑乎主者之授指綦寬
而於古法之竅緊於今日之時宜于得已不得
已之機用綦不可以鍼芥左而箭鋒軼也諸士
其慎籌之毋謾
問今時事之孔棘者黔陽幾不減遼陽而
中朝之急黔事也亦如其所以急遼事乎不夫黔

之積苦苗仲也苗仲之馮依土司也駕馭土司
防禦苗仲之須徵兵須轉饗也仰之懸命於
中朝俯之乞靈於隣協而
中朝故緩之乃望隣協其急之乎緩急之須人者
非爾藿食所能謀而人其緩之我聊自急之諸
士其亦有裨野之獲與爾黔之遠在天末也洵
不得與遼陽爭緩急且苗仲疥癬耳其慙置於
中朝也亦宜頃奢酋一變禍止中蜀乎抑止中黔
乎當事者方急請
廟議而萬里之外度所為急黔事者又必如所為急